



## Allah Uzvišeni se obavezao da će borca na Njegovom putu, ukoliko pogine, uvesti u Džennet, ili će ga vratiti zdravog sa nagradom i ratnim plijenom.

Ebu Hurejre, radijallahu 'anhu, prenosi da je Allahov Poslanik, sallallahu 'alejhi ve sellem, rekao: "Allah Uzvišeni se obavezao (u predaji kod imama Muslima stoji: Allah Uzvišeni je zagarantovao), da će onoga ko izađe u borbu na Njegovom putu, s ciljem džihada i uzdizanja Allahove riječi i zbog njegovog čvrstog vjerovanja u Allaha i Njegove poslanike, uvesti u Džennet ili će ga vratiti kući sa nagradom i ratnim plijenom." U predaji kod imama Muslima stoji: "Primjer borca na Allahovom putu, a Allah najbolje zna ko je borac na Njegovom putu, je kao primjer onoga ko stalno posti i klanja. A Allah Uzvišeni se obavezao da će borca na Njegovom putu ukoliko pogine uvesti u Džennet, ili će ga vratiti zdravog sa nagradom i ratnim plijenom."

[Vjerodostojan] [Hadis je muttefekun alejhi sa svim lancima prenosilaca]

U ovom hadisu se govori o Allahovom obećanju vjernicima koji iskreno i samo radi Allaha Uzvišenog izađu da se bore na Njegovom putu. On će im zasigurno dati jedno od dvije ili tri stvari, a to su: ako budu na tom putu ubijeni uvesti će ih u Džennet, a ako ostanu u životu daće im da se vrate svojoj kući sa velikom nagradom i sa ratnim plijenom, pa će se tako vratiti kući ili sa nagradom i ratnim plijenom, ili samo sa nagradom. A što se tiče druge predaje koju pisac djela El-Umdeh kaže da je prenosi imam Muslim, u njoj se govori o vrijednosti borbe na Allahovom putu poredeći je sa djelom koje čovjek nije u stanju učiniti, a to je da umjesto izlaska u borbu na Allahovu putu stalno klanja namaz i posti bez prekidanja. Zato je Allahov Poslanik, sallallahu 'alejhi ve sellem, rekao: "Vi to ne možete učiniti."

<https://sunnah.global/hadeeth/bs/show/2957>

